

DECRETO

Ilma. Sra. dona Ana María González Abelleira, Tenenta de alcalde delegada da Área de Xestión Integral de Recursos Internos do Excmo. Concello de Lugo.

Instruído expediente relativo a: proceso selectivo para o acceso en propiedade a 12 prazas de auxiliar administrativo/a pertencentes ao cadro de persoal funcionario do Excmo. Concello de Lugo en relación exclusivamente coas prazas correspondentes ás ofertas de emprego público dos anos 2021 e 2022

Visto a proposta do Director Xeral de recursos humanos, de data 27 de xaneiro de 2026, do teor literal seguinte:

“ ANTECEDENTES ADMINISTRATIVOS

I. Acordo número 10/759 da Xunta de Goberno Local do Concello de Lugo, adoptado en sesión ordinaria celebrada o 1 de decembro de 2021, de aprobación da Oferta de Emprego Público correspondente ao ano 2021.

II. Acordo número 11/590 da Xunta de Goberno Local do Concello de Lugo adoptado en sesión ordinaria celebrada o día 13 de outubro de 2022, de aprobación da Oferta de Emprego Público correspondente ao ano 2022.

III. Acordo número 4/936 da Xunta de Goberno Local do Concello de Lugo adoptado en sesión ordinaria celebrada o 27 de decembro de 2023, de aprobación da Oferta de Emprego Público correspondente ao ano 2023.

IV. Decreto número 2630/2024 do día 21 de marzo de 2024 ditado polo Ilmo. Sr. Tenente de Alcalde delegado da Área de xestión integral de recursos internos do Concello de Lugo mediante o cal se convocou o proceso selectivo para o acceso en propiedade a 12 prazas de auxiliar administrativo/a pertencentes ao cadro de persoal funcionario do Excmo. Concello de Lugo, 10 en quenda de acceso libre (OEP 2021, OEP 2022 e OEP 2023) e 2 en quenda de acceso libre reservadas a persoas con discapacidade (OEP 2021 e OEP 2023), publicado no BOP de Lugo número 86 de 13 de abril de 2024.

V. Decreto número 3334/2025 do 3 de abril de 2025 polo que se resolve aprobar a lista provisional de admitidos/as e excluídos/as (con indicación do motivo de exclusión) no proceso selectivo correspondente a 10 prazas de auxiliar administrativo/a pertencentes ao cadro de persoal funcionario do Excmo. Concello de Lugo en quenda de acceso libre (OEP 2021, OEP 2022 e OEP 2023), convocado polo Decreto Nº: 2630/2024.

Persoal

ESC

Refª: 26 dec.continuidadeprocetosselectivoaux.

Asunto: decreto continuidade proceso selectivo auxiliar administrativo/a

VI. Decreto número 9777/2025 de 20 de outubro de 2025 polo que se resolve a aprobación lista definitiva de admitidos/as e excluídos/as (con indicación do motivo de exclusión) no proceso selectivo convocado polo Decreto Nº: 2630/2024 10 PRAZAS DE AUXILIAR ADMINISTRATIVO/A PERTENCENTES AO CADRO DE PERSOAL FUNCIONARIO DO EXCMO. CONCELLO DE LUGO, EN QUENDA DE ACCESO LIBRE (OEP 2021, OEP 2022 e OEP 2023),.

VII. Acordo número 3/457 da Xunta de Goberno Local do Concello de Lugo en sesión celebrada o día 12 de novembro de 2025 sobre “DESIGNACIÓN DOS MEMBROS DO TRIBUNAL CUALIFICADOR PARA PROCESO SELECTIVO PARA O ACCESO A 10 PRAZAS DE AUXILIAR ADMINISTRATIVO QUENDA LIBRE (OEP 2021, 2022 e 2023)”.

VIII. Acordo número 1/502 da Xunta de Goberno Local do Concello de Lugo, adoptado en sesión celebrada o día 17 de decembro de 2025, mediante o cal se declara a caducidade das ofertas de emprego público do Concello de Lugo dos anos 2017, 2018, 2020, 2021 e 2022 que non foron executadas no prazo de tres anos establecido no artigo 70 do Real decreto lexislativo 5/2015, do 30 de outubro, polo que se aproba o texto refundido da Lei do Estatuto básico do empregado público (en diante TRLEBEP).

CONSIDERACIÓNS XURÍDICAS

PRIMEIRA. A cuestión relativa a si o prazo de tres anos sinalado no inciso final do artigo 70.1 TRLEBEP debe entenderse cumprido cando dentro dos tres anos dende a aprobación da oferta de emprego público (en diante OEP) se desenvolva íntegramente todo o proceso selectivo que comporta a OEP ou, polo contrario, tal obriga se debe entender cumprida coa publicación da convocatoria do proceso selectivo ou outro acto que supoña o desenvolvemento parcial da mesma foi resolto definitivamente mediante a sentenza número 930/2025 de 9 de xullo, da Sala do contencioso – administrativo do Tribunal Supremo que estima un recurso de casación e que entendemos, ven a poñer fin a este debate, establecendo que “(...) a efectos del artículo 93.1 de la LJCA, declaramos - como regla general- que el plazo de tres años del artículo 70.1 del EBEP, se cumple cuando el proceso selectivo convocado para ejecutar la OEP se desarrolle íntegramente dentro de ese plazo.”

Como consecuencia desta xurisprudencia, a Xunta de Goberno Local do Concello de Lugo adoptou o Acordo número 1/502 en sesión celebrada o día 17 de decembro de 2025, mediante o cal se declara a caducidade das ofertas de emprego público do Concello de Lugo dos anos 2017, 2018, 2020, 2021 e 2022 que non foron executadas no prazo de tres anos establecido no artigo 70 do TRLEBEP.

SEGUNDA. O proceso selectivo para o acceso en propiedade a 12 prazas de auxiliar administrativo/a pertencentes ao cadro de persoal funcionario do Excmo. Concello de Lugo, 10 en quenda de acceso libre (OEP 2021, OEP 2022 e OEP 2023) e 2 en quenda de acceso libre reservadas a persoas con discapacidade (OEP 2021 e OEP 2023), publicado no BOP de Lugo número 86 de 13 de abril de 2024, resulta inevitablemente afectado polas anteriores resolucións xudiciais e administrativas, xa que estaba a executar prazas correspondentes á OEP 2021 (5 prazas auxiliares administrativos/as da escala de administración xeral, subescala auxiliar C2, das cales 1 praza reservada a quenda de persoas con discapacidade e 1 reservada a persoas con discapacidade intelectual), á OEP 2022 (3 prazas de Auxiliares Administrativos/As da Escala de Administración Xeral, Subescala Auxiliar C2) e á OEP 2023 (6 prazas auxiliares administrativos/as da escala de administración xeral, subescala auxiliar C2, das cales 4 libres e 1 praza reservada a quenda de persoas con discapacidade e 1 reservada a persoas con discapacidade intelectual)

Dado que as ofertas de emprego público dos anos 2021 e 2022 no foron executadas no prazo de tres anos, a declaración de caducidade acordada pola Xunta de Goberno Local exténdese a todos aqueles actos administrativos que traen causa nesas ofertas de emprego polo que procede deixar sen efecto o proceso selectivo en relación exclusivamente coas prazas correspondentes a estas dúas ofertas de emprego.

TERCEIRA. Porén, as prazas correspondentes á oferta de emprego público do ano 2023 non están afectadas pola declaración de caducidade acordada polo órgano municipal competente polo que resulta necesario e procedente conservar os actos administrativos ditados no procedemento iniciado e continuar o mesmo en relación ás prazas correspondentes a esta última oferta de emprego, 4 libres e 1 praza reservada a quenda de persoas con discapacidade e 1 reservada a persoas con discapacidade intelectual.

Concretamente, e polo que respecta ás 4 prazas correspondentes á quenda de acceso libre, o Concello está en disposición de començar a realización do proceso selectivo.

Por todo o exposto e en base ás atribucións delegadas por decreto nº 10280/2025 do 19/01/2024 ditado polo Excmo. Sr. Alcalde Presidente do Excmo. Concello de Lugo e ás atribucións delegadas por acordo 40/607 da XGL en sesión celebrada o 26 de xullo de 2023, propónselle á Ilma. Sra. Tenenta de Alcalde delegada da Área de xestión integral de recursos internos a adopción da seguinte resolución:

PRIMEIRO. Deixar sen efecto o proceso selectivo para o acceso en propiedade a 12 prazas de auxiliar administrativo/a pertencentes ao cadro de persoal funcionario

Persoal

ESC

Refª: 26 dec.continuidadeprosesoselectivoaux.

Asunto: decreto continuidade proceso selectivo auxiliar administrativo/a

do Excmo. Concello de Lugo en relación exclusivamente coas prazas correspondentes ás ofertas de emprego público dos anos 2021 e 2022.

SEGUNDO. Conservar todos os actos administrativos ditados no citado procedemento selectivo convocado mediante o Decreto número 2630/2024 do día 21 de marzo de 2024 e continuar co mesmo en relación coas prazas correspondentes á oferta de emprego público do ano 2023 (4 prazas de auxiliar administrativo en turno libre e 1 reservada a persoas con discapacidade)

TERCEIRO. Fixar como data para a celebración do primeiro exercizo correspondente ás 4 prazas en quenda de acceso libre o día 10 de febreiro de 2026 ás 10:00 horas no Pazo de Feiras e Congresos de Lugo (Avenida dos Deportes s/n, 27004 Lugo).

CUARTO. Designar como persoal colaborador do tribunal de selección ás funcionarias municipais do Concello de Lugo dona Elisa Graña Piñeiro e dona María Elena Rodríguez García.

QUINTO. Publicar o acordo no Taboleiro de anuncios municipal e no Boletín Oficial da Provincia de Lugo, facéndose constar que se trata dun acto de trámite cualificado e que contra o mesmo podense interpoñer os seguintes recursos:

- Recurso potestativo de reposición previsto nos artigos 123 e 124 da Lei 39/2015, do 1 de outubro do Procedemento Administrativo Común das Administracións Públicas, ante o mesmo órgano que ditou o acto no prazo DUN MES, contado dende o día seguinte á publicación desta resolución.

- Recurso contencioso administrativo, nun prazo de DOUS MESES, contados a partir do día seguinte á publicación da presente resolución, ante o Xulgado do Contencioso Administrativo de Lugo (artigos 8, 25 e 46 da Lei 29/1998, de 13 de xullo, reguladora da Xurisdicción Contencioso-Administrativa), segundo a redacción dada pola disposición adicional décimo cuarta da Lei Orgánica 19/2003 de 23 de decembro, de modificación da Lei Orgánica 6/1985, do 1 de xullo, do Poder Xudicial.

Todo isto sen prexuízo de que poida interpoñer calquera outro recurso que estime conveniente”.

En base as atribucións delegadas por decreto nº 10280/2025 de 04/11/2025 ditado polo Excmo. Sr. Alcalde Presidente do Excmo. Concello de Lugo, modificado polo decreto nº 11673/2025, de 12/12/2025 e, ás atribucións delegadas por acordo 40/607 da XGL en sesión celebrada o 26 de xullo de 2023, modificado polo acordo 1/284, de 19 de xuño de 2024,

RESOLVO:

PRIMEIRO. Deixar sen efecto o proceso selectivo para o acceso en propiedade a 12 prazas de auxiliar administrativo/a pertencentes ao cadro de persoal funcionario do Excmo. Concello de Lugo en relación exclusivamente coas prazas correspondentes ás ofertas de emprego público dos anos 2021 e 2022.

SEGUNDO. Conservar todos os actos administrativos ditados no citado procedemento selectivo convocado mediante o Decreto número 2630/2024 do día 21 de marzo de 2024 e continuar co mesmo en relación coas prazas correspondentes á oferta de emprego público do ano 2023 (4 prazas de auxiliar administrativo en turno libre e 1 reservada a persoas con discapacidade)

TERCEIRO. Fixar como data para a celebración do primeiro exercizo correspondente ás 4 prazas en quenda de acceso libre o día 10 de febreiro de 2026 ás 10:00 horas no Pazo de Feiras e Congresos de Lugo (Avenida dos Deportes s/n, 27004 Lugo).

CUARTO. Designar como persoal colaborador do tribunal de selección ás funcionarias municipais do Concello de Lugo dona Elisa Graña Piñeiro e dona Maria Elena Rodríguez García.

QUINTO. Publicar o acordo no Taboleiro de anuncios municipal e no Boletín Oficial da Provincia de Lugo, facéndose constar que se trata dun acto de trámite cualificado e que contra o mesmo podense interpoñer os seguintes recursos:

- Recurso potestativo de reposición previsto nos artigos 123 e 124 da Lei 39/2015, do 1 de outubro do Procedemento Administrativo Común das Administracións Públicas, ante o mesmo órgano que ditou o acto no prazo DUN MES, contado dende o día seguinte á publicación desta resolución.

- Recurso contencioso administrativo, nun prazo de DOUS MESES, contados a partir do día seguinte á publicación da presente resolución, ante o Xulgado do Contencioso Administrativo de Lugo (artigos 8, 25 e 46 da Lei 29/1998, de 13 de xullo, reguladora da Xurisdicción Contencioso-Administrativa), segundo a redacción dada pola disposición adicional décimo cuarta da Lei Orgánica 19/2003 de 23 de decembro, de modificación da Lei Orgánica 6/1985, do 1 de xullo, do Poder Xudicial.

Todo isto sen prexuízo de que poida interpoñer calquera outro recurso que estime conveniente.

Persoal

ESC

Refª: 26 dec.continuidadeprosesoselectivoaux.

Asunto: decreto continuidade proceso selectivo auxiliar administrativo/a

Así mesmo, déase traslado ás dependenzas e ós servizos municipais afectados.

Asinado dixitalmente na data que figura á marxe, Ilma. Sra. Dona Ana María González Abelleira, Tenenta de alcalde delegada da Área de Xestión Integral de Recursos Internos.